

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---»----- 2020թ.

N----Ն

**ՈՐՈՇՈՒՄ**

**ԵՐԵՎԱՆ ՔԱՂԱՔԻ ԱՎԱԳԱՆՈՒ 2017 ԹՎԱԿԱՆԻ ԴԵԿՏԵՄԲԵՐԻ 26-Ի  
N 88-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 34-րդ հոդվածի 1-ին մասը և «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 7-րդ կետը՝

**Երևան քաղաքի ավագանին որոշում է.**

1. Երևան քաղաքի ավագանու 2017 թվականի դեկտեմբերի 26-ի «Երևանի սեփականություն համարվող գույքի կառավարման կարգը հաստատելու մասին» N 88-Ն որոշման հավելվածի 8-րդ գլխի 31-րդ կետը շարադրել նոր խմբագրությամբ՝

«31. Համայնքային գույքն անհատույց օգտագործման իրավունքով կարող է տրամադրվել՝

- 1) պետությանը.
- 2) հասարակական կազմակերպություններին, հիմնադրամներին և այլ ոչ առևտրային կազմակերպություններին.
- 3) միջազգային կազմակերպություններին.
- 4) քաղաքացիներին:»:

2. Սույն որոշումն ուժի մեջ է մտնում պաշտոնական հրապարակմանը հաջորդող տասներորդ օրը:

**ԵՐԵՎԱՆԻ ԱՎԱԳԱՆՈՒ**

**ԻՄ ՔԱՅԼԸ ԽՍԲԱԿՑՈՒԹՅԱՆ ԱՆԴԱՍ**



**Գ. ԵՐԻՑՅԱՆ**

**ՏԵՂԵԿԱՆՔ-ՀԻՄՆԱՎՈՐՈՒՄ**

**«ԵՐԵՎԱՆ ՔԱՂԱՔԻ ԱՎԱԳԱՆՈՒ 2017 ԹՎԱԿԱՆԻ ԴԵԿՏԵՄԲԵՐԻ 26-Ի N 88-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ**

«Նորմատիվ իրավական ակտերի մասին» օրենքի 34-րդ հոդվածի 1-ին մասի համաձայն՝ նորմատիվ իրավական ակտերում փոփոխություն կամ լրացում կատարում է միայն այդ նորմատիվ իրավական ակտն ընդունած մարմինը կամ նրա իրավահաջորդը:

Երևան քաղաքի ավագանու 2017 թվականի դեկտեմբերի 26-ի «Երևան քաղաքի սեփականություն համարվող գույքի կառավարման կարգ»-ի 8-րդ գլխի 31-րդ կետի համաձայն՝ համայնքային գույքն անհատույց օգտագործման իրավունքով կարող է տրամադրվել՝

- 1) պետությանը.
- 2) լրատվական գործունեություն իրականացնող իրավաբանական կամ ֆիզիկական անձանց.
- 3) հասարակական կազմակերպություններին և հիմնադրամներին.
- 4) միջազգային կազմակերպություններին.
- 5) քաղաքացիներին.
- 6) անհրաժեշտության դեպքում՝ նաև այլ կազմակերպություններին:

Սույն նախագծով առաջարկվում է հանել 8-րդ գլխի 31-րդ կետի 2-րդ և 6-րդ ենթակետերը՝ սահմանելով, որ համայնքային գույքն անհատույց օգտագործման իրավունքով չի կարող տրամադրվել լրատվական գործունեություն իրականացնող իրավաբանական կամ ֆիզիկական անձանց, ինչպես նաև անհրաժեշտության դեպքում՝ այլ կազմակերպություններին:

Երևան համայնքը չունի առևտրային կազմակերպություններին անհատույց օգտագործման իրավունքով համայնքային գույքը տրամադրելու որևէ պարտավորություն և համայնքապատկան գույքը պետք է տրամադրի միայն այն ոչ առևտրային կազմակերպություններին, որոնք գործում են ի նպաստ համայնքի, մատուցում են համայնքահեն կրթական, առողջապահական, սոցիալական և այլ ծառայություններ:

Միևնույն ժամանակ, լրատվամիջոցները և առևտրային կազմակերպությունները պետք է գործեն որևէ քաղաքական ազդեցությունից անկախ և չպետք է ֆինանսավորվեն համայնքի բյուջեից:

Եթե լրատվամիջոցները կամ առևտրային կազմակերպություններն իրականացնում են ոչ առևտրային և շահույթ չհետապնդող գործունեություն, ապա կարող են դիմել Երևան համայնքին՝ բարեգործական ծրագրի կամ իրենց հիմնած հասարակական կազմակերպության գործունեության համար համայնքային գույքի նկատմամբ անհատույց օգտագործման իրավունքի ձեռք բերման նպատակով:

**ԵՐԵՎԱՆԻ ԱՎԱԳԱՆՈՒ**

**ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՍ**



**Գ. ԵՐԻՑՅԱՆ**

**Տ Ե Ղ Ե Կ Ա Ն Ք**

**«ԵՐԵՎԱՆ ՔԱՂԱՔԻ ԱՎԱԳԱՆՈՒ 2017 ԹՎԱԿԱՆԻ ԴԵԿՏԵՄԲԵՐԻ 26-Ի N 88-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

«Երևան քաղաքի ավագանու 2017 թվականի դեկտեմբերի 26-ի N88-Ն որոշման մեջ փոփոխություն կատարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չիա ռաջանում:

**Տ Ե Ղ Ե Կ Ա Ն Ք**

**«ԵՐԵՎԱՆ ՔԱՂԱՔԻ ԱՎԱԳԱՆՈՒ 2017 ԹՎԱԿԱՆԻ ԴԵԿՏԵՄԲԵՐԻ 26-Ի N 88-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՑՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Երևան քաղաքի ավագանու 2017 թվականի դեկտեմբերի 26-ի N88-Ն որոշման մեջ փոփոխություն կատարելու մասին» Երևան քաղաքի ավագանու որոշման նախագծի ընդունմամբ Երևան քաղաքի 2020 թվականի բյուջեի եկամուտներում և ծախսերում փոփոխություններ չեն սպասվում:

**ԵՐԵՎԱՆԻ ԱՎԱԳԱՆՈՒ**

**ԻՄ ՔԱՅԼԸ ԽՍԲԱԿՑՈՒԹՅԱՆ ԱՆԴԱՄ**



**Գ. ԵՐԻՑՅԱՆ**